

Faexminz

□ Cwz Fanghdingz / 翟芳婷



Mboengqneix, itcig naemj yungh Sawcuengh raiz di doxgaiq ndeu, hoeng miz bi ndeu mbouj yungh lo, gaem gonj bit hwnjdaeuq youh mbouj rox raiz maz, baenzlawz raiz. Siengi ndaej haujlai nanz, gietdingh raizraiz go faexminz mbanj dou.

Youq henz aen gyausiz gaeuq mbanj dou miz go faexminz hung ndeu, daj mwh gou ndaejgeiq hwnj, de couh youq gizde lo. Go faexminz neix dwg mbanj dou boux daxgoeng ndeu ndaem, aiq miz 60 lai bi lo, 3 boux vunzhung fwngz gaem fwngz umj goek faex de vanzlij caengz gaeuq. Doiq gou daeuq gangj, go faexminz neix couhwdw mbanjranz, couhwdw yah buz swnzsienh hozunq ndeu, yawj gou majhung baenzvunz. Youq ndaw uk gou, gij saeh gvendaengz go faexminz neix caen mbouj noix.

Daengx mbanj vunz, gag daxmeh gou rox dwkcim, dingq daxmeh lwnh dwg bi de ndaej 18 bi, goengda baenz binghnaek youq yihyen, de bae yihyen ciuqgoq couh hag rox dwkcim. Vunz ndaw mbanj rox daxmeh gou rox dwkcim le, miz maz bingh yaek dwkcim cungj cawx yw daeuq ranz gou hawj daxmeh gou bang dwkcim, mizseiz doenghduz baenzbingh hix miz vunz cawx yw daeuq hawj daxmeh bang dwkcim dem, neix caen hawj vunz riu ndaej dungx in. Daxmeh hainduj bang vunz dwkcim mbouj aeu cienz, hoeng bang vunz dwkcim dwk ndaej byongh bi le, aen rwz de dingq mbouj singj geijlai lo, gig geizheih, gaxgonq mbouj miz maz ciudaeuz. Bae yihyen hawj canghyw yawj, canghyw hix yawj mbouj ok maz, doeklaeng hixnaengz cungj dingq mbouj ndaej-nyi lo, bae yihyen yawj canghyw moq hix ciuqyiengh yawj mbouj ok maz, daengx ranz vunz vih neix simyou dangqmaz.

Miz ngoenz ndeu, miz yah buz

ndeu daeuq ra daxmeh, de naeuz de rox vihmaz aen rwz daxmeh gou dingq mbouj ndaejnyi. Daxboh gou cam de vihmaz, de naeuz neix dwg aenvih daxmeh bang vunz dwkcim maz cungj mbouj aeu, famh duzfanz lo, baezlaeng bang bouxwnq dwkcim itdingh aeu saekdi doxgaiq cij ndaej. Cungj vah neix caen dwg gangj mbouj doeng, geizheih dangqmaz, aen rwz dingq mbouj ndaejnyi haengjdingh dwg aenvih baenzbingh, canghyw yawj mbouj ok cixbah, gyawz dwg aenvih famh duzfanz? Daengx ranz vunz byawz hix mbouj saenq gij vah yah buz neix gangj, daegbied dwg daxboh, de lij damz danghnaeuz caen miz duzfanz, daihgya cungj fatcaiz caez lo.

Vunz ranz gou mbouj saenq,

hoeng ndaw mbanj cix miz haujlai vunz saenq bw! Daj seizhaenx hwnj, byawz daeuq ranz gou dwkcim, daengz bingh ndei le cungj gag rox aeu hawj daxmeh gou 5 hauz cienz, seizneix ngamq mbouj raen geij hauz ngaenz lo, hoeng 5 hauz cienz youq mwhde doiq dou daeuq gangj caen mbouj noix lo. Caen geizheih lo, daj baeznduj sou cienz le, aen rwz daxmeh couh menhmenh dingq ndaejnyi lo, sou ndaej 5 baez le, aen rwz daxmeh gingqyienz ndei caez lo! Doeklaeng yah buz haenx gangj maz haujlai vunz cungj saenq, daegbied dwg daxmeh. Dangyienz, daxboh gou lij dwg mbouj saenq, de naeuz neix mbouj gvaq dwg dingjlingz ndwi.

Daengz mwh aen rwz daxmeh

ndei le, de youh simyou lo, aenvih 5 hauz cienz mbouj noix, daihgya gvaq ndwenngoenz hix mbouj vei, aeu maz daeuq dingjlauh cij baenz. Mwhde dwg liggaueq sam nyied, va faexminz hai hoengh, moix ngoenz gou cungj haengj hwnq caeux bae henz aen gyausiz gaeuq gip va faexminz, va hai yaek sat couh gip faiq faexminz. Neix mbouj dan dwg gij saeh gag gou maij guh, ndaw mbanj haujlai lwgnyez cungj maij, va nding faiq hau, ndei yawj raixcaix, suenq dwg gij saeh mizyinx seiznyez ndawde cungj ndeu ba! Daxmeh raen gou gop gop faiq hau ndeu haeuq ranz, da ndongggvakgvak. “Miz lo, faiq faexminz! Baezlaeng byawz daeuq heuh gou bang dwkcim, couh hawj lwgnyez ranz de bae gip di faiq faexminz daeuq dingjlauh 5 hauz cienz ba!” Daxmeh naeuz. Dangh-naeuz mbouj dwg seiz miz faiq faexminz, couh caj seiz miz faiq faexminz caiq gip ma bouj. Doeklaeng, 5 hauz cienz couh bienqbaenz di faiq faexminz ndeu lo, itcig daengz seizneix, daxmeh lij dwg nanz mbouj nanz sou ndaej di faiq faexminz.

(caengz sat)

Gvanbaz Doxndiep Ranz Doxhuz

□ Vangz Gozgvanh / 黄国观

Ngoenzneix gou hwnjdaiz,
Fwen hawj vunzlai dingq,
Doxhuz fanh saeh hingh,
Dingq le couh aeu hengz.

Bouxmbwk caeuq bouxai,
Doxmaij gap goengyah,
Doengzcaez daeuq cauxgya,
Boux ra boux doxcoh.

Doengzcaez daeuq cauxgya,
Goengyah dawz boux gonz,
Mbouj rox couh doxson,
Gaej najmong doxcoh.

Doengzcaez daeuq cauxgya,
Goengyah dawz boux mbiengj,

Gaej cug loh cug siengj,
Doxriengz gvaq ciuhvunz.

Doxeuq dangq ciengqheiq,
Gaej dawz guh dahraix,
Daengq bouxmbwk bouxai,
Aeu doxmaij doxnyiengh.

Gwnz daiz dwg goengyah,
Lajdaiz dwg baengzyoux,
Gaej cug mbaenq cug youq,
Doxaeu mbouj yungzheih.

Goengyah baenz ciuh vunz,
Hwnzngoenz doengzcaez gvaq,
Boux yiuq boux dwg da,

Doxndiep gvaq ciuh vunz.

Baenz ciuh vunz goengyah,
Doengzcaez gvaq saedceij,
Boux yiuq boux dwg’eiq,
Hwnjheiq caux gyaranz.

Bouxyah ndiep bouxgoeng,
Lumj daengngoenz hwnjma,
Bouxgoeng ndiep bouxyah,
Lumj gyang dah hwnj feiz.

Ndawranz ndaej doxhuz,
Cujyau dwg goengyah,
Mbouj doxceng doxndaq,
Cienzgya doq vuenyungz.

•Sawcuenhraz Lwgnyez•

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

Siu Cuh ndwn soh ndang de daihsing dap, gij sing sep youq gyang lueg hap dwk, gig rwenzred.

“Gwn ceiz lwi?” Gwnz bo baihide youh cienz daeuq gij sing lingh boux dahsau he.

“Ndei ha!”

“Dahyi ne?”

“Gou hix dungx iek lo——”

Yienzlaiz geij boux dahsau neix cungj youq henzgyawj gwnz bya neix ndwi, baez heuh couh han, caezgya doengz guhhong doengz yietnaiq. Lungz Byauh naengh youq gwnz

gofaex, roxnyinh gij cingzngaih gyoengqde gig miz yinxdaeuz, caen siengj bienqbaenz dahsau, caeuq gyoengqde caez guhcaemz guh-hong!

Siu Cuh caen vut fagcax dahraix, dawz aen doengjfaex iq daengz laj faexhung, naengh youq gwnznamh, menhmenh biengj hai fa doengjfaex. Lungz Byauh couh youq dingjgyaeu de, ngaemgyaeu yawj roengzbae, ndaej raen ndaw doengjfaex iq cang miz ceiz, Siu Cuh dawz mauhdiemx daengj youq gwnz gyaeujhoq guh daiz,

aeu nyecuk guh dawh nip gij ceiz gaenq cien ndei, gaemz hung gaemz hung gwn hwnjdaeuq lo.

Yawj gij yiengh de gwn ndaej diemzsubsub, Lungz Byauh gwnz gofaex hix dungx iek hwnjdaeuq lo, caeklaiq de ngoenzneix daiq gijgwn daeuq riengz. De daj ndaw daeh mbon ok aen lwgmaenz, laeglemx ngaep dwk, byawz liuh daengz ndaw daeh lij miz aen lwgmaenz caengz coq ndei, gingqyienz deng fan okdaeuj, cigsoh doek roengz laj gofaex bae lo.

(caengz sat)

Siu Cuh yietnaiq le yaep he, dauqungz gip hwnj fagcax youh gvej, Lungz Byauh siengj bin roengz faex bae, caeuq de ganggoj, hoeng youh lau de hozhwnj, mboujyawx couh yienghneix laeglemx yawj de, mbouj-nex cengbak youh dem fanz.

Siu Cuh menhmenh gvej coh gofaex hung baihneix, Lungz Byauh engq mbouj ndaej bin roengz lo, cij ndaej nyaenx dwk, naengh youq gwnz ngafaex, baez ning hix mbouj gamj ning.

Mwhneix, ndit gaenq daj dingj-bya dak roengzdaeuj, Siu Cuh youq laj nditndat mbouj dingz dawz fagcax gvej nya, hanh gaenq dumz buhvaq caez, Lungz Byauh youq gwnz gofaex yied yawj yied sim’in. Sawqmwh, gwnz bya mbouj gig gyae, cienz daeuq le gij sing heuh:

“Siu Cuh ha——”
“Ai——”